



TOSHKENT DAVLAT YURIDIK UNIVERSITETI REKTORINING B U Y R U G ' I

22.11.2023

201-um-son

O‘zbekiston Respublikasi Konstitutsiyasi bayramini yuqori saviyada o‘tkazish to‘g‘risida

O‘zbekiston Respublikasi Prezidentining 2023-yil 16-noyabrdagi F-72-son “O‘zbekiston Respublikasi Konstitutsiyasi kuni bayramiga tayyorgarlik ko‘rish va uni o‘tkazish to‘g‘risida”gi Farmoyishi hamda adliya vazirining 2023-yil 20-noyabrdagi “O‘zbekiston Respublikasi Konstitutsiyasi bayramini yuksak saviyada o‘tkazish to‘g‘risida”gi 308-um-son buyrug‘ida belgilangan vazifalar ijrosini ta’minlash, O‘zbekiston Respublikasi Konstitutsiyasi mazmun-mohiyati aholi, shu jumladan yoshlar orasida keng targ‘ib qilish, fuqarolarimizning konstitutsiyaviy bilimlarini oshirish maqsadida

BUYURAMAN:

1. O‘zbekiston Respublikasi Prezidentining 2023-yil 16-noyabrdagi F-72-son Farmoyishi hamda adliya vazirining 2023-yil 20-noyabrdagi 308-um-son buyrug‘i ma’lumot va ijro uchun qabul qilinsin.

2. Toshkent davlat yuridik universiteti (bundan buyon matnda – Universitet) hamda uning tizimidagi muassasalarda O‘zbekiston Respublikasi Konstitutsiyasi kuni yuqori saviyada o‘tkazilsin.

3. O‘zbekiston Respublikasi Konstitutsiyasi kuni bayramiga bag‘ishlangan tadbirlarni tashkil etish bo‘yicha chora-tadbirlar rejasi (bundan buyon matnda – chora-tadbirlar rejasi) ilovaga muvofiq tasdiqlansin.

4. Birinchi prorektor A.Xashimhonov universitet va uning tizimidagi ta’lim muassasalarida O‘zbekiston Respublikasi Konstitutsiyasi kuni bayramini yuqori saviyada tashkil etilishi, Farmoyishda va Adliya vazirligining dasturida belgilangan vazifalarni o‘z vaqtida va sifatli bajarilishini nazorat qilsin.

5. Tarkibiy bo‘linma rahbarlari o‘ziga yuklatilgan vazifalarni o‘z vaqtida va sifatli bajarishga mas’ul ekanligi belgilab o‘tilsin.

6. Magistratura va sirtqi ta’lim fakulteti (A.Babadjanov) tegishli tarkibiy bo‘linmalar bilan birgalikda “**Yangi O‘zbekistonni birgalikda quramiz**” shiori ostida 2023-yilning 28-noyabr – 1-dekabr kunlari davomida respublikamizning

barcha hududlari bo‘ylab yangi tahrirdagi Konstitutsiyaning mazmun-mohiyatini tushuntirishga qaratilgan “Targ‘ibot poyezdi” loyihasini yuqori saviyada tashkil etish choralari ko‘rsin.

7. Ma’naviyat va ma’rifat markazi (Sh.Po‘lotov) tegishli tarkibiy bo‘linmalar bilan birgalikda 2023-yilning 1–8-dekabr kunlari **“Konstitutsiya – xalqchil davlat, barqaror taraqqiyot va farovon hayot asosi!”** degan bosh g‘oya asosida Toshkent shaharining Sayilgoh ko‘chasida hamda boshqa aholi gavjum bo‘lgan jamoat joylarida huquqiy aksiyalar, flashmoblar va targ‘ibot tadbirlarini tashkil etish choralari ko‘rsin.

Bunda hamkor tashkilotlar bilan birgalikda quyidagilarni qamrab olinishiga alohida e’tibor qaratilsin:

Konstitutsiyaning yaratilishi, takomillashtirish bosqichlarini ifoda etadigan “Konstitutsiya ta’rixi” burchagi va fotoko‘rgazmasini tashkil etish;

darsliklar, o‘quv qo‘llanmalari va maxsus adabiyotlar hamda materiallar ko‘rgazmasini tashkil etish;

Konstitutsiyaga oid turli ko‘ngilochar tadbirlar, viktorinalar, Quiz-testlar, chellenjlar tashkil etish.

8. Jamoatchilik va OAV bilan aloqalar bo‘limi (J.Haydarov):

Konstitutsiya mazmun-mohiyatini OAVlarida keng yoritish maqsadida universitet jamoasining OAVlari orqali chiqishlarini tizimli tashkil etilishini ta’minlasin va bu borada Adliya vazirligi hamda OAVlari bilan yaqindan hamkorlik qilish choralari ko‘rsin;

Konstitutsiya mazmun-mohiyati yuzasidan turli ijtimoiy roliklar, huquqiy podkasdlar, ko‘rsatuvlar, huquqiy munozaralar tayyorlab universitet sayti va ijtimoiy tarmoqlardagi sahifalarda joylashtirish choralari ko‘rsin.

9. Ilmiy boshqarma (I.Ergashev), Konstitutsiyaviy huquq kafedrası (I.Bekov) bilan birgalikda ilmiy jamoatchilikni keng jalb qilgan holda Konstitutsiya va uning normalarini amalga oshirishga bag‘ishlangan **xalqaro ilmiy-amaliy konferensiyani** yuqori saviyada tashkil etish choralari ko‘rsin.

10. Moliya-iqtisod masalalari bo‘yicha prorektor A.Iminov O‘zbekiston Respublikasi Konstitutsiyasi qabul qilingan kun munosabati bilan tashkil etiladigan tadbirlarni yuqori saviyada tashkil etish jarayonidagi sarf-xarajatlarni universitetning byudjetdan tashqari mablag‘lari va homiylarni jalb qilish orqali yuqori saviyada tashkil etish choralari ko‘rsin.

11. Mazkur buyruq ijro nazoratini o‘z zimmasida qoldiraman.



Toshkent shahar

Kiritildi:

Direktor

SH.PO‘LOTOV



Kelishildi:

Katta yuriskonsult

A.TURSUNOV



Bo‘lim boshlig‘i

S.MAMANAZAROV



Moliya-iqtisod ishlar bo‘yicha
prorektor

A.IMINOV

